

دانیال^۷ کیتاب

به زبان گیلکی

www.gilak-media.net

۱۳۹۹ شمسی

حق چاپ محفوظ است. در صورت استفاده از تولیدات،

لطفا نام وبسایت عنوان شود.

دانیال ۶ کتاب

دانیال و اون دوستان بابل میان

۱ سومی سال ۱ یھویاقیم سلطنت کی یھودا پادشا بو، نبوکدنصر* کی بابل پادشا بو، اورشلیم حملہ بوکودہ و اون محاصرہ بوکودہ. ۲ خوداوند، یھویاقیم - یھودا اوستان پادشای - چن تا ظرفان موقدس امرأ کی خودا معبد شین بید، نبوکدنصر دس اسیر بوکودہ. نبوکدنصر او ظرفان خو امرأ بابل سرزمین میان باورده و اوشان خو خودا* خزانہ معبد دورون بنہ.

۳ بازین پادشا خو خواجہ یان رئیس کی اون نام اشفناز بو، دستور بدہ چند نفر شاهزادہ و اشراف زادہ کی بنی اسرائیل شین بید، اینتخاب بوکونہ و باورہ. ۴ آ جوانان، وأستی بی عیب و نقص، خوش بر رو، و یاد گيفتن و آسی زبر و زرنګ، دانا و فھیم بیید و بابل زوان و ادبیات یاد بیگیرید تا بتانید پادشا کاخ دورون ختمت بوکونید. ۵ پادشا فرمان بدہ هر روز جہ خوراک و شرابی کی اون درباریان خوریدی اوشانم بوخورید و بعد انکی سه سال تعلیم و تربیت بیید، اوشان پادشا ختمت رہ باورید. ۶ دانیال، حنیا، میثائیل و عزریا جہ قبیلہ ی یھودا اوشان میان ایسہ بیید. ۷ خواجہ یان رئیس اوشان رہ بابل نام بنہ:

دانیال - بلطشصر،

حنیا - شدرک،

میثائیل - میشک

و عزریا - عبدنعو.

۸ ولی دانیال خو امرأ تصمیم بیگفته کی دربار خوراک و شراب امرأ خورہ نجست نوکونہ. پس اشفناز جا آ کاژ و آسی ایجازہ بخواستہ. ۹ خودا، خواجہ باشی دیل نرم کودہ کی دانیال موحبت و مهربانی بوکونہ ۱۰ ولی اشفناز واگردستہ دانیال بوگفته: «من پادشا جا ترسم. اون دستور بدہ شمر خورد و خوراک فادم. اگہ بیدینہ کی جوانان دیگر جا ضعیفتر ایسید، می سر وینہ.»

۱۱ پس دانیال او نگهبانی کی اشفناز اون مسئل او چار نفر چاکودہ بو، بوگفته: ۱۲ «تو امرأ کی تی ختمتگوزارانیم ده روز ایمتحان بوکون و فقط حبوبات و آب فادن. ۱۳ بازین امی دیم* جوانان دیگر امرأ کی دربار خوراک خوریدی موقایسہ بوکون و اوطوبی کی صلاح دینی امی امرأ رفتار بوکون.» ۱۴ اونم قوبیل بوکودہ و ده روز میان اوشان ایمتحان بوکودہ.

۱۵ ده روز کی بوگودشتہ، اوشان جوانان دیگر جا کی دربار خوراک خوردیدی قشنگتر و سر حالت رہ بوپوستہ بیید. ۱۶ هن و آسی گوماشتہ، عوض دربار خوراک و شراب، بازم اوشان حبوبات فادہ. ۱۷ خودا اچارتا جوان دانش و درکی جہ تومامی ادب و حکمت عطا بوکودہ و دانیال فامستن رویان و خوابان جورواجورم ببخشہ.

* ۱:۱ «نبوکدنصر» زبان فارسی دورون «بخت نصر» و زبان پهلوی دورون «بخت خسرو» بینویشتہ بوپوستہ. * ۲:۱ او

زمان نبوکدنصر خودای حقیقی ایمان ناشتی. * ۱۳:۱ ینی «صورت»

۱۸ بعد او سه سالی کی پادشا تعیین بوکوده بو، اَشْفِنَازِ تومامی یَ جوانانَ دربارَ نبوکدنصرَ ورجاً بأورده. ۱۹ پادشا اوشانَ امرأً گب بزه. بأزین بیده کی دانیال، حَنَیا، میثائیل و عَزَریا جَه همه تان بهتریدی. پس اوشانَ ایتتخاب بوکوده کی اونَ ختمت بوکونید. ۲۰ نبوکدنصر هر سؤالی جَه حکمت و فأم کی او چارتأ جوانَ جأ وأورسه یی، اوشانَ ده برابر بهتر جَه تومامَ جادوگرانَ و افسونگرانَ سرتاسرَ خو مملکت دانستی ۲۱ و دانیال تا اولی سالَ کوروشَ کبیرَ شاهنشاهی، دربارَ دورون ختمت کودی.

نبوکدنصرَ خواب

۲ ۱ نبوکدنصر، خو دومی سالَ سلطنتَ دورونی، ایتأ خواب بیده کی اونَ روح و روان، پریشانَ بوسته و ده نتانسته بوخوسه. ۲ هَنَ وأسی پادشا فرمان بده تا جادوگرانَ، افسونگرانَ، فالگیرانَ و اُسْطُرا لَ بچی یانَ* اونَ ورجاً بأورید تا بتانید او خوابی یی کی بیده اونَ ره تعبیر بوکونید. اوشانم بموید اونَ ورجاً بَسَه یید. ۳ پادشا اوشانَ بوگفته: «ایتأ خواب بیدم کی می روح اونَ فأمستنَ وأسی پریشانَه.» ۴ اُسْطُرا لَ بچی یانَ خوشانَ زبانَ آرامی* امرأ پادشایَ بوگفتید: «پادشا تا ابد زنده بمأنه! هسأ بفرماید چی خوابی بیده ییدی کی شمیره تعبیر بوکونیم.»

۵ پادشا اوشانَ بوگفته: «حوکم بوکودم کی اگه می خواب و اونَ تعبیر مَر نیگید، شمر تیکه تیکه بوکونید و شیمی خانه یانَ فوگر دانید. ۶ ولی اگه می خواب و اونَ تعبیر مَر بیگید، می جأ پيله پادشان، پیش کشی یانَ و پيله افتخار فیگیریدی. پس مَر بیگید چی خوابی بیدم و اونَ تعبیر چیسه.» ۷ اوشانَ دوواره بوگفتید: «ای پادشا، شیمی خوابَ امره واگویا بوکونید تا امانم اونَ تعبیر بوکونیم.» ۸ پادشا جواب بده: «معلومه کی شومانَ فرصتَ دونبالَ گردیدی، چونکی دانیدی کی می حوکم عوض نیبه. ۹ هسأ اگه می خواب مَر نیگید فقط ایتأ حوکم شمیره اجرا به. شومانَ نقشه بکشه ییدی کی مَر دورغ بیگید و بیخود گبانَ بزید ا اومیدَ امرأ کی شاید اوضاع عوض به. پس می خوابَ مره واگویا بوکونید تا من خاطر جم بیم کی تانیدی اونَ مره تعبیر بوکونید.»

۱۰ اُسْطُرا لَ بچی یانَ جواب بده ییدی: «ای پادشا، آجهانَ دورون کسی نیسه کی بتانه شیمی دستور انجام بده چونکی هیچ پادشایی هر چقدر پيله و قوی بهه آ جور درخوآست خو جادوگرانَ، افسونگرانَ و اُسْطُرا لَ بچی یانَ جأ نوکوده. ۱۱ شیمی خوآسته آنقدر سخته کی هیکس جَه غیر خودایانَ کی آدمانَ امرأ زندگی نوکونیدی، نتانه شمر بگه چی خوابی بیده ییدی.» ۱۲ اوشانَ جوابَ جأ، پادشایَ آنقدر غیظَ گیفته کی دستور بده تومامَ بابلَ حکیمانَ بوکوشید. ۱۳ بأزین پادشا فرمان صادر بو بوسته کی وأستی حکیمانَ بوکوشید. هَنَ وأسی بو کی دانیال و اونَ رفقانَ دونبالم گردستیدی تا اوشانم بوکوشید. ۱۴ ولی دانیال خو حکمت و خردَ مره پادشا جلادانَ رئیسَ امرأ گب بزه کی اونَ نام آریوک بو و فرمان داشتی بابلَ حکیمانَ بوکوشه ۱۵ و آریوک جأ وأورسه: «چره پادشا اَطو بی رحمی امرأ دستور بده؟» بأزین اونَ آ پیشامدانَ دانیالَ ره تعریف بوکوده. ۱۶ دانیال بوشو پادشا ورجاً خوآهش بوکوده کی فرصتی بداره تا خودش او خوابَ تعبیر بوکونه.

* ۲:۲ یینی «ستاره شناسان» * ۴:۲ دانیالَ کیتاب جَه آیه یینی باب ۲ آیه ۴ تا باب ۷ آیه ۲۸ به زبانَ آرامی کی بابلَ دورون زبانَ رسمی بو بینویشته بو بوسته ولی بقیه قسمتان به زبانَ عبری.

خوداوند نبوکدنصر خواب، دانیال نیشان دہہ

۱۷ بآزین دانیال واگردسته بخانه و او پیشامدان خو رفقان، حنیا، میثائل و عزریای بوگفته ۱۸ و اوشان جا بخواسته کی دوعا بوکونید کی خودای آسمانان رحم بوکونه و آراز اوشان ره آشکار کونه تا دانیال و اون رفقان، بابل دیگر حکیمان امرأ کوشته نیبید. ۱۹ هو شب رویا میان او راز دانیال ره آشکار بوسته. پس خودای آسمانان ستایش بوکوده، ۲۰ بوگفته:

«خودا نام تا ابد مبارک ببه

کی حکمت و قودرت اون شینه،

۲۱ او کسی کی وختان و فصلان عوض کونه،

پادشایان برکنار کونه و پادشایان دیگر به سلطنت رسانه،

هونه کی حکیمان حکمت و فهیمان دانایی فاده.

۲۲ خودا، عمیق رازان کی هیچکی نانه آشکار کونه؛

جه اونچی کی ظولمات دورون نهه آگاهه

و نور اون ورجا ساکن ایسه.

۲۳ آی خودای امی پتران، تر شوکر و ستایش کونم،

چونکی مر حکمت و قودرت ببخشه یی.

او چی کی امان تی جا بخواستیم، تو مر آشکار کودی

و پادشا خواب و اون تعبیر امر نیشان بدیی.»

۲۴ بآزین دانیال بوشو آریوک ورجا کی پادشا اون فرمان بدهبو بابل حکیمان بوکوشه و بوگفته: «بابل حکیمان نوأ کوشتن. مر ببر پادشا ورجا تا من اون خواب تعبیر بوکونم.»

۲۵ پس آریوک فوری دانیال بیده پادشا ورجا و بوگفته: «ایتا اسیر بیافتم کی یهودا شینه و تانه

شیمی خواب تعبیر بوکونه.» ۲۶ پادشا، دانیال کی اون بلبطشصر نام بته بو، دوخوآده و واورسه: «تو تانی

می خواب مر بیگی و اون تعبیر بوکونی؟» ۲۷ دانیال جواب بده: «هیچ حکیم، افسونگر، جادوگر یا

طالع بین نتانه رازی کی پادشا خوایه، اون ره تعبیر بوکونه ۲۸ ولی آسمان میانی خودایی ایسه کی

رازان آشکار کونه. اون شمر جه اونچی کی آخر روزان پیش امون دره و آخر کوده. هسا شیمی خواب

تعبیر و رویایان کی تخت میان بیده بید اطویه: ۲۹ آی پادشا، وختی کی شیمی تخت خواب میان بوشو

بید، دربارهی ایتفاقانی کی در آینه دکفه فیکر کودن دبید و اون کی رازان آشکار کونه شمر نیشان

بده کی چی پیش ایسه. ۳۰ ولی آن و اسی مر آشکار نبوسته کی می حکمت دیگر آدمان جا ویشتره،

بلکی، آی پادشا، آشکار بوسته تا شومان، شیمی خواب تعبیر بدانید و جه او چیزی کی شیمی فیکر

مشغول کوده و آخر بید.

دانیال، پادشا خواب تعبیر کونه

۳۱ «آی پادشا، وختی فندرستن دبیید، ایدفعه یی خودتآن ایتا پیلهدانه مجسمه جُلو بیأفتید کی بی نهایت درخشان و ترسناک بو. ۳۲ مجسمه سر طلائی ناب بو، اون سینه و بازویان نقره بو و اون شکم و اون دوتا ران برنز بو. ۳۳ اون دوتا ساق آهینی و اون پایان ایچه آهینی و ایچه سفالی بو. ۳۴ هطویی کی شومان اون فندرستن دبیید، ایتا پیلهدانه سنگ بکنده بوبوسته ولی نه اینسان دس جا، بازین بوخورده مجسمه آهینی و سفالی پایان و اوشان دورسنه. ۳۵ بازین آهین، سفال، برنز، نقره و طلا با هم ایچور خورد بوستید کی عین کلوش خرم تابستان مانستن، باد همهی اوشان برده و ده هیچی بجا نمأنسته. ولی او سنگی کی مجسمهی خورد بو ایتا پیله کوه مانستن بوبوسته کی تومامی دونیای پور کوده.

۳۶ «آن شیمی خواب بو. هسا شمره اون تعبیر کونم. ۳۷ آی پادشا، شومان شاه شاهانیدی. خودای آسمانان، شمر سلطنت و ایقتدار و قوت و ایحترام ببخشه. ۳۸ خودا تومام آدمان و صارا جانوران و آسمان پرندهیان، هر جا کی اوشان ساکنیدی، شیمی دس بیسپرده تا اوشان حکمفرمایی بوکونید. شومان او مجسمه طلائی سر ایسید.

۳۹ «بعد شومان، ایتا سلطنت دیگر ظوهور کونه کی شیمی سلطنت جا بیجیرتره. بازین سومی سلطنت کی برنز مانسته بر تومام دنیا حکومت کونه. ۴۰ چارمی سلطنت آهین مانستن قوی به چونکی آهین همه چی نابود کونه و ایشکنه. هطویی کی آهین همه چی خورد کونه، اونم سلطنتان دیگر دورسنه و نابود کونه. ۴۱ هوطو کی شومان بیده بید کی اون پا و اون پنجهیانم ایچه سفالی و ایچه آهینی بو، هطویم ا سلطنت تقسیم به. ولی هوطویی کی بیده بید آهین و سفال کس کس امرأ مخلوط بوسته بید، ایتا پیچه آهین قودرت اون دورون مانه. ۴۲ و هوطو کی اون پنجهیان ایچه آهینی و ایچه سفالی بید، هطویم او سلطنت، ایتا قسمت سفت و محکم و ایتا قسمت ایشکفتنی به. ۴۳ هوطو کی بیده بیدی آهین و سفال همدیگر امرأ قاطی بوبوسته بید، ا سلطنت دورون مردوم همدیگر امرأ قاطی بیدی ولی هطو کی سفال و آهین نتانیدی همدیگر امرأ ترکیب بیید، اوشانم کس کس امرأ موحد نییدی.

۴۴ «او پادشایان سلطنت دوران، خودای آسمانان، سلطنتی برپا کونه کی هیوخت جه بین نیشه و هیئا قوم دیگر دس دنکفه. او پادشایی تومام سلطنتان دیگر دورسنه و نابود کونه ولی خودش تا ابد پایدار مانه. ۴۵ شومان بیده بید کی چوطویی ایتا تخته سنگ بدون آنکی کسی اون دس بزنه، کوه جا بکنده بوبوسته و مجسمهی کی آهین، برنز، سفال، نقره و طلا جا چاکوده بوبوسته بو خورد کوده. آی پادشا، خودای عظیم شمر جه اونچی کی بازین ایتفاق دکفه آگاه بوکوده. ا خواب دوروسته و اون تعبیر هنه.»

پادشا دانیال مقام بوجورتری فادہ

۴۶ بآزین نبوکدنصر پادشا بکفته دانیال پا جیر، اون سوجده بوکوده و دستور بده کی اون ره پیش کشی باورید و بوخور بوسوجانید. ۴۷ پادشا دانیال بوگفته: «رأس رأسی شیمی خودا، خودای خودایان و پادشایان سروره و هونه کی اسرار نیشان دده، چونکی تو بتانستی آراز آشکار بوکونی.»

۴۸ بآزین پادشا دانیال پیله مقام و ایتا عالمه پیش کشی فادہ و اون سرتاسر بابل اوستان حاکم و تومام بابل حکیمان رئیس چاکوده. ۴۹ دانیال پادشا جا خواہش بوکوده کی شدرک، میشک و عبدنغو اوستان بابل میان پیله کاران مملکتی اداره بوکونید و دانیال شاه دربار دورون بئسه.

پادشا دستور دده طلایی مجسمه ی پرستش بوکونید

۱ نبوکدنصر پادشا، ایتا مجسمه طلا جا چاکوده کی اون درازا ۲۷ متر و اون پھنا ۳ متر بو و اون دشت «دورا» میان کی ولایت بابل دورون نھه بو، بر پا بوکوده. ۲ بآزین پادشا دستور بده کی تومام اوستانداران، حاکمان، فرمانداران، مشاوران، خزانه داران، قاضیان، دادرسان و تومام ولایتان صاحب منصبان بائید تا ایتا مراسم میان شرکت بوکونید کی او مراسم میان او مجسمه یی کی پادشا بر پا بوکوده بو، تبرک ببه. ۳ پس اوستانداران، حاکمان، فرمانداران، مشاوران، خزانه داران، قاضیان، دادرسان و تومام ولایتان صاحب منصبان، نبوکدنصر بر پا بوکوده مجسمه تبرک کون و اسی بموییدی و اون جلو به پا بئسه ییدی. ۴ جارچی فریاد بزه: «آی قومان و آی ملتانی کی زبانان جورواجور امرأ گب زیندی، آ دستور گوش بدید! ۵ هطو کی کرنا و نی و تنبور و چنگ و سنتور و دھل صدا و هر جور ساز دیگر نوای بیشتاوستیدی، شومان و طلایی مجسمه جلو کی نبوکدنصر پادشا بر پا بوکوده، زمین سر بکفید و اون پرستش بوکونید. ۶ هر کی زمین سر نکفه و اون پرستش نوکونه، هو وخت آتش تون دورون تاودہ به.»

۷ هن و اسی تومام مردوم هر میل و قوم و زبانی هطو کی کرنا و نی و تنبور و چنگ و سنتور صدا و هر جور ساز دیگر نوای ایشناوستیدی، طلایی مجسمه جلو کی نبوکدنصر پادشا بر پا بوکوده بو، زمین سر کفتیدی و اون پرستش کودیدی.

آتش تون

۸ او وخت چند نفر اسطرلابچی بموییدی جلو و یوھودیان جا شکایت بوکودیدی. ۹ اوشان نبوکدنصر پادشای بوگفتیدی: «آی پادشا، تا ابد زنده بمائید. ۱۰ مگه شومان دستور ندیدی کی هر کس کی کرنا و نی و تنبور و چنگ و سنتور و دھل صدا و هر جور ساز دیگر نوای بیشناوه و زمین سر بکفه و مجسمه ی طلایی پرستش بوکونه؟ ۱۱ و کسی یم کی زمین سر نکفه و پرستش نوکونه، و استی اون تاوید آتش تون دورون؟ ۱۲ ولی چن تا یوھودی مردای ایسه ییدی، شدرک، میشک و عبدنغو نام، کی شومان بابل پیله کاران مملکتی، اوشان فادہ ییدی. آی پادشا، اوشان شمر محل ننه ییدی، شیمی خودایان ختمت نوکونیدی و طلایی مجسمه یی کی بر پا بوکودیدی، پرستش نوکونیدی.»

۱۳ نبوکدنصر خلی غیظَ گیفته و دستور بدہ کی شدِرک، میشک و عبدنغوی بآورید۔ وختی اوشان پادشا ورجا بآوردیدی، ۱۴ پادشا وأورسه: «آی شدِرک، میشک و عبدنغو، راستہ کی می خودایان ختمت نوکودیدی و طلائی مجسمہ جُلُو کی من بر پا بوکودم، پرستش نوکودیدی؟ ۱۵ ہسا اگہ حاضریدی کی وختی کرنا و نی و تنبور و چنگ و سنتور و ڈھلُ صدا و هر جور سازِ دیگر نوایِ بیشتاوستیدی، طلائی مجسمہ جُلُو زیمین سر بکفید و اون پرستش بوکونید، کی ہیچی۔ ولی اگہ ا کار نوکونید، فوری آتش تون دورون تاودہ بیدی۔ بازین دینمی کویدانہ خودا تانہ شمر می دس جا نجات بدہ.»

۱۶ شدِرک، میشک و عبدنغو واگردستیدی بوگفتیدی: «آی نبوکدنصر پادشا، امان احتیاجی ناریمی ا مورڈ و اسی خودمان جا دفاع بوکونیم۔ ۱۷ اگہ امر آتش تون دورونم تاودید، خودایی کی اون پرستش کونیمی، تانہ امر آتش جا نجات بدہ و اونہ کی امر شیمی دس جا رها کونہ۔ ۱۸ ولی حتی اگہ اون امر نجات ندہ، آی پادشا، بدانید کی امان شیمی خودایان پرستش نوکونیمی و او طلائی مجسمہ کی شومان بر پا بوکودیدی، سوجده نوکونیم.»

۱۹ نبوکدنصر وختی اوشان گبان بیشتاوستہ اون خلی غیظَ گیفته و اون آتش گیفتن دبو۔ دستور بدہ آتش جہ اونچی کی معمول بو، ہفت برابر ویشتر داغ کونید ۲۰ و خو قوی ہیکل سربازان فرمان بدہ کی شدِرک، میشک و عبدنغوی دودید و تاودید آتش تون دورون۔ ۲۱ بازین هر سه نفر هوطو کی شلوار و ردا و کلاہ و لیباسان دیگرم دوکودہ بید، دؤستید و آتش دورون تاودہ بید۔ ۲۲ پادشا فرمان انقدر سخت بو و آتش انقدر داغ بو کی آتش شوالہیان او کسانئی کی شدِرک، میشک و عبدنغوی بردن دیبید تا تاودید آتش دورون، بوسوجانہ و بوکوشتہ۔ ۲۳ او سہ تا مردای هطو کی اوشان دس و پا دؤستہ بو آتش تون دورون دکفتیدی۔ ۲۴ نبوکدنصر پادشا قاق بوستہ و عجلہ امرأ جہ خو جا سر ویریشته و خو مشاوران جا وأورسه: «مگہ امان سہ نفر دنوستیم و آتش دورون تنودہ ییم؟» اوشانم جواب بدہ بیدی: «دوروستہ، آی پادشا!» ۲۵ پادشا بوگفتہ: «بیدینید، من چارتا مرداک دینم کی آتش دورون رأ شوئون دریدی، در حالی کی اوشان دؤستہ نی بیدی و اوشان ہیچی نوبوستہ۔ چارمی نفر خودایان پسر مانہ!» ۲۶ بازین نبوکدنصر بوشو آتش دهنہ جُلُو و بوگفتہ: «شدِرک، میشک، عبدنغو کی خودای موتعال ختمت کونیدی، بایید بیرون و آیہ بسید!» و هو لحظه شدِرک، میشک و عبدنغو آتش جا بیرون بموییدی۔

۲۷ اوستانداران، حاکمان، فرمانداران و دربار مشاوران جم بوستیدی و بیدہ بیدی کی چوطو او سہ نفر بدن آتش نوسوجانہ و نہ اوشان ایتا خال مو بوسوختہ و نہ اوشان لیباسان و حتی آتش بو اوشان فترسہ۔

۲۸ بازین نبوکدنصر بوگفتہ: «موتبارک ببه خودای شدِرک، میشک و عبدنغو کی خو فرشتہ ای اوسہ کودہ تا خو خادمان نجات بدہ کی اون توکل دآریدی و پادشا فرمان بجا ناوردیدی و حاضر بو بوستیدی خوشان جان فآدید کی خودای دیگری جز خوشان خودا ختمت و پرستش نوکونید۔ ۲۹ ہسا فرمان دهم هر کس جہ هر قوم و زبانی کی ضد خودای شدِرک، میشک و عبدنغو گب بزہ، تیکہ تیکہ بوکونید و اون خانہی فوگردانید، چونکی خودای دیگری وجود نارہ کی بتانہ اطویی نجات بدہ.»

۳۰ بازین پادشا، شدِرک، میشک و عبدنغوی مقام پیلہ تری اوستان بابل میان فآدہ۔

نبوکدنصر، خودای ستایش کونه

۴ ۱ جہ نبوکدنصر پادشا به توما م قومان و همه ای مردومانی کی زمین سر زندگی کونیدی و هر زبان امرأ گب زینیدی:

«سلامتی ای فراوان بر شومان، ۲ ا طو صلاح بیدم نیشانه یان و معجزه یانی کی خودای موعال مر عطا بوکوده شمیره بگم.

۳ چی عظیمه خودا نیشانه یان
و چی پيله دانه یه اون معجزه یان.
اون پادشایی تا ابد پا بر جا مانه
و اون حکومت نسل اندر نسل.»

نبوکدنصر دومی خواب

۴ من، نبوکدنصر، می کاخ دورون خیال راحت امرأ زندگی کودیم و می دیل خوش و خوروم بو
۵ تا آنکی ایتا خواب بیدم کی مر بترسانه و هو طویی کی می تخت خواب میان خوفته بوم، او رویا فیکران
مر سخت به وحشت تاوده. ۶ بازین دستور بدم کی تومامی ای بابل حکیمان می ورجا باورید تا می
خواب تعبیر بوکونید. ۷ وختی جادوگران، افسونگران، اُسطُرلابچی یان و طالع بینان بمویددی، می خواب
اوشان ره تعریف بوکودم ولی نتانستید اون مره تعبیر بوکونید. ۸ آخر سر دانیال، کی می خودا و اسی
«بَلَطَشَصْر» دوخواده به و خودایان موقدس روح داره، می ورجا بمو و می خواب اون ره تعریف بوکودم
و بوگفتم: ۹ «ای بَلَطَشَصْر، ای جادوگران رئیس، من دانم کی تو خودایان موقدس روح داری و هیئتاً راز
فامستن تره سخت نیه. ان می خوابه و تی جا خوایم اون مره تعبیر بوکونی: ۱۰ می تخت خواب سر
رویایانی بیدم کی زمین میان ایتا پيله دار نهه. ۱۱ او دار آنقدر تنومند و پيله بوسته کی اون سر آسمان
فارسه جوری کی توما د دنیا مردومان تانستید اون بیدینید. ۱۲ اون ولگان خوشگل بو و آنقدر میوه
داستی کی همه تان تانستید اون جا بوخورید. صارا حیوانان اون سایه جیر ایستراحت کودید و آسمان
پرنده یان اون شاخه سر خوشان ره فک نییدی و توما جانوران اون میوه خوریدی.
۱۳ «هَطو کی می تخت خواب میان رویا دئن دوبوم، بیدم کی ایتا نگهبان موقدس آسمان جا بیجیر
بمو. ۱۴ اون فریاد بزه و بوگفته: ادخت و وینید و اون شاخه یان قطع کونید، اون ولگان و اچینید و اون
میوه یان پخش و پلا بوکونید. حیوانان جِه اون سایه جیر و پرنده یان جِه اون شاخه یان فراری بدید.
۱۵ ولی اون کونده و ریشه یان آهینی و برنجی زنجیل امرأ دودید و بیابان و اشان دورون خاک رو سر
دید. بیه کی آسمان ایاز اون هیست کونه و حیوانان امرأ زندگی بوکونه و علف بوخوره. ۱۶ بیه کی
هفت دوره میان، اون اینسانی افکار به حیوانی افکار تبدیل بیه. ۱۷ نگهبانان موقدس آ تصمیم اعلام
بوکودیدی و موجودان موقدس آ حوکم تعیین بوکودید تا زنده یان بدانید کی خودای موعال اینسان
حکومتان پادشایی کونه و آ حکومتان هر کی ای اون دیل بخوایه بخشه، حتی پست ترین آدمان.»

۱۸ «آن بو خوابی کی من نبوکدنصر پادشا بیدم. هسأ، آی بلطشصر، تو آن مره تعبیر بوکون، چره کی هیتا جہ می مملکت حکیمان نئاستید ا کار بوکونید. ولی تو تانی، چونکی خودایان قدوس روح داری.»

دانیال، پادشا خواب تعبیر کونه

۱۹ بازین دانیال کی اون بلطشصرم دوخوآیدی، مدتی قاق بوسته و اون فیکران اون پریشان کوده. هن و اسی پادشا دانیال بوگفته: «آی بلطشصر، ونال او خواب و اون تعبیر تر پریشان کونه.» بلطشصر جواب بده: «آی سرور، آرزو کونم کی آ خواب شیمی دوشمنان ره و اون تعبیر شیمی بدخوآهان ره بیه. ۲۰ او داری کی بیدهیدی آنقدر پيله و قوی بو بوسته کی اون سر آسمان فارسه جوری کی توما دونا مردومان تانستید اون بیدینید ۲۱ و اون ولگان خوشگل بو و آنقدر میوه دآستی کی همه تان تانستید اون جا بوخورید و صارا حیوانان اون سایه جیر ایستراحت کودیدی و آسمان پرندہیان اون شاخه سر خوشان ره فک نییدی. ۲۲ آی پادشا، او دار شومان ایسیدی. شومان پيله و قوی بو بوستیدی، شیمی عظمت آنقدر زیاد بوسته کی آسمان فارسه و شیمی سلطنت تا آخر دونیای بیگفته.

۲۳ «آی پادشا، شومان نگهبان موقدسی بیدهیدی کی آسمان جا بیجیر بمو و بوگفته: (دار و وینید، جہ بین برید ولی اون کونده و ریشہیان آهینی و برنجی زنجیل امرأ دودید و بیابان و اشان دورون خاک رو سرا دید. بیه کی آسمان ایاز اون هیست کونه و هفت دوره، جانوران میان زندگی بوکونه.)

۲۴ «آی پادشا، شیمی خواب تعبیر و دستوری کی خودای موعال شمیره، آی سرور، تعیین بوکوده انه کی ۲۵ شومان، مردومان جا طرد بید و صارا جک و جانوران امرأ زندگی کونیدی؛ گابان مانستن شمرف فادیدی کی بوخورید و آسمان ایاز جا هیست بیدی. هفت دوره اطوی گوزره تا بفامید کی خودای متعاله کی اینسان حکومتان پادشایی کونه و او شان هر کی اون دیل بخوایه بخشه. ۲۶ نگهبان موقدس بوگفته کی دار کونده و اون ریشہیان زمین سر بنید. اون معنی انه کی وختی شومان بفامستید کی خودایه کی حکومت کونه، هو موقع دوواره شیمی پادشایی واگرده. ۲۷ پس آی پادشا، می نصیحت شمرف خوش بایه: خوروم کاران امرأ شیمی گونایان جا دس بکشید و عوض شیمی خطایان، فقیران مهربانی بوکونید بلکی اطوی شیمی سعادت ایدامه پیدا بوکونه.»

نبوکدنصر خواب حقیقت پیدا کونه

۲۸ توما ا بلایان نبوکدنصر پادشا سر بمو. ۲۹ دوازده ماه کی پادشا خواب جا بوگوزشته، ایتا روز هطو کی اون، بابل کاخ پشت بام سر قدم زنن دبو، ۳۰ بوگفته: «بیدینید مگه ا پيله دانه بابل نی یه کی می توانایی و قودرت امرأ می جلال و شکوه و اسی چاکودم تا می سلطنت جاجیگه بیه؟»

۳۱ اون گب هنوز توما نوبوسته بو کی ایتا صدا آسمان جا بمو کی بوگفته: «آی نبوکدنصر پادشا، ان بدان کی حکومت تی جا فیگفته بو بوسته. ۳۲ شومان مردومان جا طرد بید و صارا دورونی جک و جانوران امرأ زندگی کونیدی؛ گابان مانستن شمرف فادیدی کی بوخورید. هفت دوره اطوی گوزره تا بفامید کی خودای متعاله کی اینسان حکومتان پادشایی کونه و او شان هر کی اون دیل بخوایه بخشه.»

۳۳ ایذفعهیی او گبان نبوکدنصر ره ایففاق دکفته و اون جه مردومان میان بیرون تاوده یید. گابان مأنستن علف خوردی و آسمان ایاز اون بدن هیست کودی تا اون مویان، عقاب پران مأنستن دراز بوستیدی و اون ناخونان پرنده یان چنگلان مأنستن بوبوسته.

نبوکدنصر حال خُب به

۳۴ بازین کی آروزان تومام بوسته، من، نبوکدنصر، می چومان مره آسمان فندرستم و می عقل، مر و اگر دسته. هو موقع خودای موعال موتبارک دوخوادم و اون کی تا ابد زنده یه ستایش و پرستش بوکودم، چره کی اون حکومت تا ابد پا بر جا مانه و اون پادشایی نسل اندر نسل ایدامه داره.

۳۵ تومام مردومانی کی زمین سر زندگی کونیدی هیچ بحیساب نایدی

و اون خو ایراده امرأ آسمانی لشکران میان

و تومام مردومان میان کی زمین سر زندگی کونیدی،

عمل کونه.

هیکس نتانه اون جوئی بیگیره

یا اون جا و اوره: «چی بوکودی؟»

۳۶ هو وخت می عقل مر و اگر دسته و می عظمت و شکوه می سلطنت جلال و آسی دوواره مر فاده بوبوسته. می مشاوران و پيله کسان می دونبال بگردستیدی و دوواره می تخت سلطنت سر بینشتم و می جلال و شکوه جه قبل ویشتر بوسته. ۳۷ هسا من، نبوکدنصر، پادشا آسمانان ستایش کونم، اون حمد و سپاس گم و اون جلال دهم، چره کی اون تومام کاران، حق و اون تومام رایان، عیدالته. اون تانه کسانیی کی غروز امرأ رفتار کونیدی ذلیل و خوار کونه.

ایتا دس نیویشته دیواژ سر

۱ بِلشَصَر کی پادشا بو هیزار نفر جه خو پيله آدمان ره ایتا پيله دانه مهمانی بر پا بوکوده و اوشان امرأ شراب بوخورده. ۲ اون پيله پتر*، نبوکدنصر پادشا، اورشلیم معبد جا جامان طلا و نقره اوساده بو. بِلشَصَر هطویی کی شراب خوردن دبو، دستور بده او جامان باورید تا خودش و اون پيله آدمان، زناکان و حرمسرا زناکان اوشان دورون شراب بوخورید. ۳ پس او طلایی جامان باوردیدی کی اورشلیم معبد جا اوساده بوبوسته بید و پادشا، اون پيله آدمان، اون زناکان و حرمسرا زناکان اوشان دورون شراب بوخوردیدی. ۴ هطویی کی شراب خوردن دیدی، خودایانی کی طلا، نقره، برنز، آهن، چوب و سنگ جا بید، ستایش کوردیدی. ۵ پادشا قصر دورون، دیواژ گچ سر چراغدان روبرو، ایذفعهیی ایتا اینسان دس پنجه ظاهر بوسته. وختی پادشا او دس بیده کی نیویشتن دبو، ۶ اون رنگ و رو بپرسته و آنقدر بترسه کی اون پایان سوست بوستید و اون زانویان آنقدر پرکستیدی کی به هم خوردیدی. ۷ فریاد بزه کی تومام افسونگران و اُسَطْرلابچی یان و طالع بینان باورید و اون، بابل حکیمان

* ۲:۵ بِلشَصَر، نبونعید پسر بو و احتمالاً نبونعید، نبوکدنصر دختر امرأ ایزدواج بوکوده بو.

بوگفته: «هر کی بتأنه آ بینویشتهی بخوانه و مره تعبیر بوکونه، دستور دهم ارغوانی ردای اون دوکونید و طوق طلا اون گردن تاودید، بآزین اون سومی حاکم مملکت به.»

۸ توماّم پادشا حکیمان بمویدی؛ ولی هیکس نتأنسته او بینویشتهی بخوانه و پادشا ره معنی بوکونه. ۹ پس بَلَشَصَّر پادشا خیلی پریشان بوسته و اون رنگ و رو پپرسته و توماّم پيله آدمأنم دیل نیگران بوستیدی.

۱۰ وختی شهبانو*، پادشا و پيله آدمأن گبان بیشناوسته، مهمانی تالار دورون بمو و بوگفته: «پادشا تا ابد زنده بمأنه. آنقدر دیل نیگران نوا بوستن کی تی رنگ و رو پپره. ۱۱ تی مملکت دورون ایتا مردای ایسه کی خودایان موقدس روح داره. تی پتر سلطنت موقع، بینش، هوش و حکمتی کی خودایان حکمت مانستن بو، اون دورون وجود داشتی. نبوکدنصر پادشا، تی پتر، اون جادوگران، افسونگران، اُسْطُرلابچی یان و طالع بینان رئیس چاکوده بو، ۱۲ چره کی اون ایتا ذهن عالی داشتی و حکیم و دانا بو و تأنستی خوابان تعبیر بوکونه، معمایان حل بوکونه و پيله موشکلان ره چاره بیافه. اون دانیال نام داشتی تا کی پادشا اون بَلَطَشَصَّر نام بنه. فرمان بده کی اون باورید تا ا دس نیویشتهی تره معنی بوکونه.»

دانیال، دیواز سر دس نیویشتهی معنی کونه

۱۳ دانیال باوردیدی پادشا ورجا. بآزین پادشا دانیال واورسه: «تو هو دانیالی ایسی کی می پيله پتر تر یهودا سرزمین جا باورده آیه اسیری؟ ۱۴ بیشناوستم خودایان روح داری و بینش، هوش و حکمت خاصی داری. ۱۵ حکیمان و افسونگران باوردیدی می ورجا کی آ بینویشتهی مره بخوانید و معنی بوکونید ولی اوشان نتأنستیدی آ کار بوکونید. ۱۶ بیشناوستم کی تو تانی رازان تعبیر بوکونی و پيله موشکلان ره چاره بیافی. هسا اگه بتانی آ بینویشتهی بخوانی و اون معنی بوکونی، بآزین تانی ارغوانی ردای دوکونی، طلائی طوق تی گردن تاودی و سومی حاکم مملکت بیبی.»

۱۷ دانیال، پادشای بوگفته: «شیمی پیش کشی شمیره بمأنه یا اینفر دیگر فاید، ولی من او نیویشتهی شمیره خوانم و اون معنی کونم. ۱۸ ای پادشا، خودای موعال، شیمی پتر نبوکدنصر، سلطنت، عظمت، شکوه و جلال ببخشه بو. ۱۹ آ پيله مقام و آسی کی خودا اون فاده بو، مردومان جه توماّم میلتن، قومان و زبانان اون جا ترس و وحشت داشتیدی. شیمی پتر تأنستی هر کسی کی اون دیل خواستی، بوکوشه و یا اون زنده بداره. هر کس خواستی سر بولند کودی ویا اون پست کودی. ۲۰ ولی غرور و تکبر اون بیگفته، هن و آسی تخت سلطنت جا بیجیر باورده بوبوسته و جلال اون جا بیگفته بوبوسته. ۲۱ بآزین مردومان جا طرد بوسته، خو دیل دورون جانوران مانستن بوبوسته، وحشی اولغان امرأ زندگی بوکوده، گابان مانستن اون علف فاده ییدی کی بوخوره و آسمان ایاز جا هیست بوسته تا زمانی کی بفامسته خودای متعاله کی اینسان حکومتان پادشایی کونه و هر کسی کی اون دیل بخوایه، به سلطنت رسأنه. ۲۲ «هسا شومان، آ بَلَشَصَّر کی اون زای ایسیدی، همه ای اشان دانستیدی ولی فروتنی نوکودید.

۲۳ شومان ضد خوداوند آسمانان، خودتان بوجور ببردید و اون خانه ظرفان شمیره باوردیدی آیه و شیمی پيله آدمأن، زناکان و حرمسرا زناکان امرأ اوشان دورون شراب بوخوردیدی و خودایان طلائی، نقرهیی،

* ۱۰:۵ احتمال داره کی اون، نبوکدنصر زن بوبوسته بی کی بَلَشَصَّر ننه بوستی.

برنزی، آہینی، چوبی و سنگی کی نہ دینیدی، نہ ایشناویدی و نہ فامیدی، پرستش بوکودیدی. ولی خودایی کی شیمی نَفَس و کارآن اون دس دورون نہہ، ایحترام ننهیدی. ۲۴ هَن و اسی خودا او دس اوسہ کودہ تا ا کلمہ یان بینیویسہ. ۲۵ آ بینیویشتہ آنہ: (مِنہ، مَنہ، ثِقَل و پَرَسین) ۲۶ و اون معنی آنہ: (مِنہ) ینی کی خودا شیمی پادشایی روزان بشمرده و بہ آخر فارسانہ. ۲۷ (ثِقَل) ینی خودا شمر خو ترازو امرأ بکشہ و کم باوردید. ۲۸ (پرس) ینی شیمی پادشایی تقسیم بہ و مادان و پارسان بکشہ بہ. ۲۹ بازین بلشصر فرمان بدہ دانیال ارغوانی ردا دوکونید، طلائی طوق اون گردن تاویدید و اعلام بوکونید کی اون، سومی حاکم مملکت بوبوستہ. ۳۰ ہو شب بلشصر، پادشای کلدانیان، بوکوشتہ بوبوستہ ۳۱ و داریوش کی قوم ماڈ جا بو و دور و بز شصت و دو سال داشتی، بہ سلطنت فارسہ.

دانیال، شیران چاہ دورون

۶ ۱ داریوش صلاح بدانستہ کی صد و بیست تا اوستاندار توام خو مملکت رہ تعیین بوکونہ. ۲ و سہ تا وزیرم اینتخاب بوکودہ کی اوشان نظارت بوکونید کی دانیال ایتا جہ اوشان بو. پادشا دستور بدہ کی توام اوستانداران، و استی او وزیران حساب کیتاب پس بدید تا پادشا ضرر و زیانی نیدینہ. ۳ پادشا خواستی دانیال مسؤل توام خو مملکت چاکونہ چونکی الباقی وزیران و استانداران جا باهوشر و دانتر بو. ۴ هَن و اسی وزیران و اوستانداران بہانہ دونبال گردستیدی کی دانیال حکومتی کاران و اسی اون جا شکایت بوکونید ولی نتانستیدی هیچ بہانہیی جور کونید کی اون محکوم بوکونید چونکی دانیال امین بو و هیچ خطا یا ایشتابھی اون جا سر نزہیی. ۵ پس ہمدیگر بوگفتیدی: «ہیوخت نتانیم دانیال متہم کودن و اسی هیچ عیب و ایرادی بیافیم، مگہ آنکی ایتا ایراد اون خودا شریعت دورونی و امجیم.»

۶ بازین وزیران و اوستانداران ہمدیگر امرأ بوشویدی پادشا ورجا و بوگفتیدی: «داریوش پادشا تا ابد زندہ بمانہ. ۷ امان، توام وزیران، حاکمان، اوستانداران، مشاوران و فرمانداران ہمدیگر امرأ مشورت بوکودیم و صلاح بیدہیم کی پادشا ایتا حوکم بدہ و قدغن بوکونہ کی اگہ کسی تا سی روز جہ خودا یا جہ اینسانی بہ جز شومان، ای پادشا، درخواستی بوکونہ، شیران چاہ دورون تاودہ بہ. ۸ ای پادشا، ہسا دستور بدید ا حوکم بینیویشتہ بہ و اون مہر بوکونید تا اطوی مادان و پارسان قانون میان جہ بین نیشہ و تغیر نوکونہ.» ۹ داریوش پادشا دستور بدہ او حوکم بینیویسید و اون مہر بوکودہ. ۱۰ وختی دانیال بیشناوستہ کی او حوکم مہر بوبوستہ، فارسہ بخانہ و بوشو خو بالاخانہ کی اون پنجرہ یان اورشلیم طرف واز بوستی، چونکی ہمہ تا روز عادت داشتی ہویہ سہ بار زانو بزہنہ و خودا حوضور دوعا و ستایش بوکونہ. ۱۱ وختی او مرداگان ہمدیگر امرأ بمویدی، بیدہیدی کی دانیال خو خودا ورجا دوعا کودن درہ و کومک درخواست کودن درہ، ۱۲ بوشویدی پادشا ورجا و اون حکم و اسی پادشا امرأ گب بزہیدی: «ای پادشا، مگہ شومان شیمی حوکم مہر نوکودید کی ہر کی اسی روز میان جہ خودا یا ہر اینسانی بہ جز شومان، ای پادشا، درخواست بوکونہ، شیران چاہ دورون تاودہ بہ؟» پادشا بوگفتہ: «بہ قانون مادان و پارسان، ا فرمان جہ بین نیشہ و پا بر جا مانہ.» ۱۳ اوشان، پادشای

* ۲۸:۵ دانیال ا جملہ معنی کودن موقع، کلمہ ی «پرسین» کی جم ایسہ بہ صورت مفرد ینی «پرس» بکار ببردہ.

بوگفتیدی: «دانیال، کی جہ یوہودی اسیران ایسہ، آی پادشا، شمر ایطاعت نوکونہ و شیمی حوکم کی مہر بوبوستہ بو، پشت گوش تاودہ. اون ہمہ تا روز سہ دفہ دوعا کونہ.» ۱۴ پادشا وختی آگبان بیشناوستہ، اون خیلی غیظ گیفته و تصمیم بیگیفته کی دانیال نجات بدہ و تا غروب اون نجات و آسی تقلا کودی.

۱۵ بازین او مرداگان دووارہ ہمدیگر امرأ بوشوییدی پادشا ورجا و بوگفتیدی: «آی پادشا، دانیدی کی مادان و پارساں قوانین اطوی ایسہ کی ہر حکمی یا دستوری کی پادشا صادر بوکونہ، عوض نیہ.» ۱۶ ہن و آسی پادشا فرمان امرأ دانیال باوردید و تاودہ یید شیران چاہ دورون. پادشا دانیال بوگفته: «بہ کی تی خودا کی اون ہمیشہ پرستش کونی، تر نجات بدہ.»

۱۷ ایتا پیلہ سنگم باوردیدی بنہ ییدی چاہ دہنہ سر و پادشا خو انگوشتری و خو امیران انگوشتراں امرأ چاہ دہنہی مہر و موم بوکودہ تا دانیال وضع و اوضاع عوض نہ. ۱۸ بازین پادشا واگردستہ بوشو خو قصر دورون تومام شب ہیچی نوخوردہ و ہیچ خوشگذرانی بی اون رہ فراہم نوکودید و نتانستہ بوخوسہ.

۱۹ خروس خوان پادشا ویریزہ و عجلہ امرأ شہ شیران چاہ سر. ۲۰ وختی چاہ سر فارسہ، نالہ امرأ دانیال دوخوانہ و اون جا واورسہ: «آی دانیال، خادم خودای زندہ، تی خودا کی تو اون ہمیشہ پرستش کونی بتانستہ تر شیران جا نجات بدہ؟»

۲۱ دانیال جواب بدہ: «پادشا تا ابد زندہ بمانہ! ۲۲ می خودا خو فرشتہی اوسہ کودہ کی شیران دهن دودہ تا مر زخمی نوکونید چون خودا ورجا بی گوناہ بوم و ہطویم، آی پادشا، شیمی ورجا، ہی ذرہ ایشتبہ نوکودم.»

۲۳ پادشا خیلی خوشحال بوستہ و فرمان بدہ دانیال چاہ جا بیرون باورید. وختی آکار بوکودیدی، بیدہ یید دانیال ہی ذرہ صدمہ نیدہ، چونکی خو خودای توکل بوکودہ بو.

۲۴ پادشا دستور امرأ تومامی کسانہی کی دانیال ایفترا بزہ یید، باوردید و اوشان زن و زاکان امرأ شیران چاہ دورون تاودہ یید. اوشان چاہ تان فترسہ یید کی شیران اوشان فترکستیدی و تومام اوشان خاشان بشکنہ ییدی. ۲۵ بازین داریوش پادشا بہ تومام میلان و قومان و زبانانی کی تومامی زمین دورون زندگی کودید اطوی بینویشتہ:

«سلامتی فراوان بر شومان! ۲۶ فرمان دہم کی تومام مردومان سرتاسر می پادشایی و دانیال خودا جلو ترسان و لرزان بیید!

چونکی اون خودای زندہ
و ابدی ایسہ.

اون پادشایی نابود نیہ
و اون قدرت پایانی نارہ.

۲۷ اونہ کی نجات دہہ و آزاد کونہ.

آسمان و زمین سر

نیشانہ یان و معجزہ یان انجام دہہ.

اون دانیال، شیران چنگال جا نجات بدہ.»

۲۸ هنّ و اسی دانیال، داریوش و کوروش پارسى سلطنت میان موفق بو.

دانیال خواب دورون چارتا جانور دینه

۱ اولی سال سلطنت بلشصر، بابل پادشا بو کی رختخواب میان، دانیال سر جا رویائی بوگوذشته و ایتا خواب بیده. پس خو خواب خولاصه ای اطوی بییویشته ۲ و بوگفته: «شب خواب بیدم کی باد جه آسمان چار طرف پیله دریای کولاک بوکودید. ۳ چارتا پیله دانه جانور کی جورواجور بید دریا جا بیرون بمویدی. ۴ اولی شیر نر مانستن بو کی عقاب پر و بال داشتی. هطو کی فندرستن دوبوم، اون پر و بال بکنده بوبوسته، و اون زمین جا ویریزانه ییدی و آدمان مانستن اون دوتا پایان سر به پا بداشتیدی و اینسان دیل اون فاده بوبوسته.

۵ «دومی جانور بیدم کی خرس مانستن بو. اون ایتا شانه بوجور، ایتا شانه بیجیر ایچه راست بوسته و سہتا دنده خاشان به گاز داشتی. ایتا صدا اون بوگفته: (ویریز، هر چی تانی گوشت بوخور). ۶ «بازین، سومی جانور بیدم کی پلنگ مانستن بو. خو پوشت سر، چارتا بال داشتی کی اون بالان پرندہ بالان مانستن بو. اون چارتا سر داشتی و حکومت اون فاده بوبوسته.

۷ «بازین می رویا دورون چارمی جانور بیدم کی وحشتناک و ترسناک و پور قوت بو. پیله گازانی آهین جا داشتی و همه چی فورستی و خورد کودی. هر چی کی بمانسته بو، خو پا جیر لقد مال کودی. او جانور الباقی جانوران امرأ فرق کودی، اون دہتا شاخ داشتی.

۸ «هطو کی اون شاخان فندرستن دوبوم، بیدم ایتا کوجہ دانه شاخ اوشان میان بوجور امون درہ کی او سہتا شاخان قبلی بیخ جا بکنده. ا شاخ، چومانی، اینسان چومان مانستن داشتی و دہنی کی پیلہ پیلہ گب زہیی.

۹ «هطوی کی ا چیزان دنن دوبوم،

«تختانی به پا بوبوسته

و (قدیم الایام)* خو تخت رو بینیشته.

اون لیاسان ورف مانستن سیفید

و اون سر مو پشم پاک مانستن بو.

اون تخت جا سواله ای آتش ویریشتی

و اون چرخان جا آتش ول زہیی.

۱۰ ایتا روخان آتش جا

اون جلو دوارستی.

* ۹:۷ قدیم الایام - ایتا جه صفتانی کی خوداوند ره به کار شه به معنی کسی کی جه قدیم الایام ایسه بو (موجود ازلی).

ہیزار ہیزار نفر اون ختمت کودیدی
و ده ہیزار ده ہیزار اون جُلو بہ پا ایسہ بید۔
محاکمہ بہ پا بوبوستہ
و داوری دفتران و اُبوستہ۔

۱۱ «بأزین چونکی آشاخ پیلہ پیلہ گبان زہیی، هَطو فندرستن دُوبوم۔ فندرستن دُوبوم تا او جانور بوکوشته بوبوستہ و اون جسد نابود بوستہ و آتش سوزان دورون تاودہ بید۔ ۱۲ ایقتدار جہ الباقی او جانوران فیگیفته بوبوستہ ولی ایجازہ دأشتیدی ایتا مدت زندہ بمأنید۔
۱۳ «او شب می خواب میان اینفر بیدم کی اینسان پسر مأنستن بو و آسمان ابران رو آمون دُوبو۔
وختی فارسہ، اون (قدیم الایام) حضور بریدی ۱۴ و ایقتدار و جلال و قودرت پادشایی اون فادہ بوبوستہ تا مردومان، جہ تومام میلتن، قومان و زبانان اون ختمت بوکونید۔ اون قودرت جہ بین نیشہ و اون پادشایی ہیوخت نابود نیبہ۔

دانیال خواب تعبیر

۱۵ «من، دانیال می روح پریشان بوستہ و رویایی کی می سز جا بوگذشته مر بترسانہ۔ ۱۶ بوشوم ایتا جہ اوشانی کی او یہ ایسہ بو نزدیک بوستم و حقیقت تومام آ چیزان اون جا و اورسم۔ بأزین اون می خواب تعبیر بوکودہ و اطوی بوگفته: ۱۷ (او چارتا پیلہ جانور، چار پادشایی ایسید کی زمین سر حکومت کونیدی۔ ۱۸ ولی خودای موعال موقدسان پادشایی فیگیری و تا ابدالاباد خوشان دس داریدی)۔

۱۹ «بأزین اون جا و اورسم: (او چارمی جانور مفهوم چیسہ کی الباقی جانوران امرأ فرق کودی و خیلی ترسناک بو و گازانی آہین جا و چنگال برنزی دأستی و ہمہ چیی فورستی و خورد کودی، و اونچی کی بمأنستہ بو خو پا جیر پامال کودی)۔ ۲۰ بأزین و اورسم: (او دہتا شاخی کی اون سز جور نہہ بو مفهوم چیسہ، هَطویم او ایتا شاخ کی ظاہیر بوستہ بو و اون جُلو سہتا شاخ دیگر بکتید، ینی او شاخی کی چومان دأستی و پیلہ پیلہ گبان زہیی و پیلہ تر جہ جانوران دیگر بو)۔ ۲۱ هَطویمی کی دئن دُوبوم، او شاخ خودا موقدسان امرأ جنگستی و اوشان پیروز بوستی ۲۲ تا وختی کی (قدیم الایام) بمو و داوری بہ نفع او موعال موقدسان اجرا بوبوستہ۔ بأزین زمانی فارسہ کی پادشایی کی بہ دس گیفیدی۔
۲۳ «اون مر بوگفته: (چارمی جانور، چارمی حکومتی ایسہ کی زمین سر بہ پا بہ۔ اون، پادشایی یان دیگر امرأ فرق دأرہ و تومام زمین فورہ، پامال و خورد کونہ۔ ۲۴ دہتا شاخ، او دہتا پادشا ایسیدی کی آ سلطنت جا ویریزی۔ بأزین، ایتا پادشای دیگر بہ سلطنت فارسہ کی پادشایان قبلی امرأ فرق دأرہ و سہتا پادشای شکست دہہ۔ ۲۵ اون، ضد خودای موعال گب زنہ و خودا موقدسان آزار رسانہ و سعی کونہ ہم وختانی کی تعیین بوبوستہ و ہم شریعت و اگر دانہ۔ اوشان ای زمان، چند زمان و نیم زمان* اون دس دورون تسلیم بیدی۔

* ۲۵:۷ بعضی جہ متخصصان معتقد ایسید کی اصطلاح «ای زمان، چند زمان و نیم زمان» ینی سہ سال و نیم۔

۲۶ «اولی محاکمہ بہ پا بہ و حکومت تا ابد او پادشا جا فیگیفته و نابود بہ. ۲۷ سلطنت، قودرت و عظمت جہ پادشایی یانی کی تومام آسمان جیر حکومت کونیدی فیگیفته بہ و خودای موقدسان فادہ بہ. خودا پادشایی تا ابد ایدامہ پیدا کونہ و تومام حاکمان خودای پرستش و ایطاعت کونیدی.»

۲۸ «هن بو خوابی کی من بیدم. من، دانیال، می فیکران جا خیلی پریشان بوستم و می رنگ و رو بپرستہ، ولی می خواب ہیکس نوگفتم.»

دانیال دومی خواب: قوچ و بوز

۱ بِلشَصَّر سلطنت سومی سال دورون، من دانیال، بعد او اولی رویا کی مر آشکار بوستہ بو، ایتا رویای دیگر بیدم. ۲ می رویا میان بیدم کی شوش قلعه میان، اوستان عیلام* دورون، اون روخان کنار ایسم کی «اولای» نام دارہ. ۳ هطوی کی فندرستیم، ایدفعہیی روخان کنار ایتا قوچ بیدم کی دوتا دراز شاخ داشتی و اون کی درازتر بو دترتر بیرون بمو. ۴ و بیدم او قوچ مغرب، شومال و جنوب طرف شاخ زہی و ہیچ جانوری نتانستی اون جلو بسہ و ہیکس نتانستی کسی اون دس جا نجات بدہ. ہرچی اون دیل خواستی کودی و قویتر بوستی.

۵ هوطوی کی او رویای فیکر کودن دوبوم، ایدفعہیی بیدم ایتا نر بوز، غرب طرف جا آشکار بوستہ و اونقدر توند تاخت زہی کی اون پا زمین لمس نوکودی. او نر بوز خو دوتا چومان میان ایتا شاخ داشتی کی خیلی چوم دکف* بو. ۶ اون خو خشم و قودرت امرأ بودوستہ بوشو او قوچ دو شاخ طرف کی روخان کنار بیدہ بوم. ۷ بازین بیدم کی غیظ امرأ او قوچ حملہ بوکودہ و اون کلہ بزہ و اون دوتا شاخ بشکنہ. او قوچ دہ جان ناشتی اون جلو بسہ. پس بوز اون تاودہ زمین سر و لقد مال بوکودہ. ہیکسم نتانستی او قوچ اون دس جا نجات بدہ. ۸ او نر بوز قویتر بوستہ ولی وختی کی اون قوت ویشتر بوستہ، اون پیلہ دانہ شاخ بشکفته و چارتا چوم دکف شاخ دیگر اون جا سر، بہ سمت چار طرف بادان آسمان بوجور بمو.

۹ ایتا جہ او چارتا شاخان جا، ایتا کوجہ شاخ بوجور بمو کی جنوب و شرق و قشنگ سرزمین* طرف رشت بوکودہ ۱۰ و آنقدر قوی بو بوستہ کی آسمان لشکر فارسہ و چن تا آسمان لشکر و چن تا ستاریان تاودہ زمین سر و پامال کودہ. ۱۱ اون آنقدر قوی بو کی بتانستہ ضد «سرداز لشکر آسمانی» ویریزہ و وناشتہ کی خودا رہ ہر روز قوربانی فادید و معبد موقدس حورمت بشکنہ بیدی. ۱۲ نافرمانی و آسی، آسمان لشکر، قوربانی ہمیشگی امرأ، او شاخ فادہ بو بوستہ. او شاخ حقیقت خو پا جیر بنہ و ہر کاری کی بوکودہ موفق بو بوستہ.

۱۳ بازین بیشناوستم کی دوتا موقدس فرشتہ ہمدیگر امرأ گب زن دید، ایتا اویتا جا واورسہ: «تا کی طول کشہ تا قوربانی یان روزانہ تقدیم بہہ و او گونایان ایدامہ دارہ و آسمانی لشکر و پیلہ معبد پامال بہ؟» ۱۴ اویتا فرشتہ بوگفته: «۲۳۰۰ صُب و شب طول کشہ و بازین او معبد دووارہ تقدیس بہ.»

* ۲:۸ اوستان «ایلام» کیتاب موقدس عبری دورون «عیلام» بینیویشتہ بو بوستہ. قدیم زمانان «عیلام» ایتا اوستان بو، حدود شوش کی خوزستان دورون نہہ. * ۵:۸ بینی «چشمگیر» * ۹:۸ بینی «ایسرائیل سرزمین» * ۱۱:۸ کلمہیی کی متن اصلی دورون بینیویشتہ بو بوستہ معنی «بی حورمت کودن» دارہ ولی تانہ «سراکونا کودن» ہم بہہ.

دانیال خواب تعبیر

۱۵ وختی من، دانیال، آرویای بیدم و تلاش کودیم کی اون تعبیر بفامم، ایدفعه یی اینفر بیدم کی اینسان مأنستن بو و می جُلو به پا ایسه ۱۶ و اینفر صدای، جِه اولای روخان میان بیشناوستم کی فریاد بزه و بوگفته: «آی جبرئیل، آ مرداک خواب اون ره تعبیر بوکون.»

۱۷ پس جبرائیل او جایی کی من ایسه بوم نزدیک بوسته، و چون بمو جُلو بترسَم و دمر بکفتم زمین سر، ولی اون مر بوگفته: «آی کسی کی جِه نسل اینسان ایسی،* آ رویا زمان آخر شینه.»

۱۸ هوطویی کی می امرأ گب زئن دبوو، دمر زمین سر کفته بوم و سنگین و آخواب شوم. اون مر دس بزه، ویریزانه و به پا بدآشته ۱۹ و بوگفته: «بیدین، من بموم کی تر جِه هر چی کی خشم آخر زمان دورون ایتفاق دکفه، و آخبر کونم، چونکی تی رویا، آخر زمان نیشان دهه. ۲۰ او قوچ دو شاخی کی بیده یی

نیشانه یی مادان و پارسان پادشایان ایسه. ۲۱ او نر بوز کی مویان زیادی داشتی، یونان پادشاهه و او دراز شاخ کی اون چومان وسط نهه بو اولی پادشاهه. ۲۲ او چارتا شاخ کی او بشکفته شاخ جا سر بوجور بموید، چارتا سلطنتانی ایسیدی کی اون قوم جا ویریزی ولی هیئا، اولی مأنستن پور قوت نییدی.

۲۳ «آخر اوشان حکومت، هو وختی کی نافرمانان گوناہ توما اوشان وجود گیره، ایتا پادشای شرور

و خیره سر و زبر و زرنگ به قودرت فارسه. ۲۴ ایتا عالمه قودرت به دس آورہ، ولی نه خودش توانایی

امرأ. اون باعیت به کی ویرانیان عظیم ایتفاق دکفه و هر کاری کی کونه موفق به. اون، پیلہ کسان و

قوم موقدس نابود کونه. ۲۵ خو زرنگی امرأ دوز و کلک زیاد کونه و خوره دیگران جا بوجورتر دانه.

بی خبر ایتا عالمه آدم کوشه و حتی (سرور سروران) جُلو ایسه. سر آخر خودشم نابود به ولی نه اینسان

دس امرأ. ۲۶ اونچی کی او رویا دورون دربارہ یی شبان و صبان بوگفته بو بوسته حقیقتہ، ولی اون مھر و

موم بوکون، چونکی آینده یی خیلی دور میان انجام به.»

۲۷ من، دانیال، چند روزی بیحال و ناخوش بوم. بازین ویریشتم بوشوم پادشا کاران انجام بدم، ولی

رویایی کی بیده بوم مر دیل نیگران کوده چره کی اون مر حالی نوبوسته.

دانیال دعا

۹
۱ اولی سالی کی داریوش، خشایارشاہ پسر کی نسل ماد جا بو، بابلی یان مملکت پادشا
ببوسته بو، ۲ من، دانیال، خودا کلام کی ارمیای نبی الهام بو بوسته بو، بخواندم و بفامستم
کی اورشلیم و هفتاد سال ویران بمانه. ۳ هن و اسی عزاداری لباس دوکودم، خاکستر می سر فوکودم
و ایلتماس و روزه امرأ می سرور، خودا ورجا دعا بوکودم. ۴ خوداوند، می خودا ورجا دوعا کونان
ایعتراف بوکودم و بوگفتم:

«آی سرور، خودای عظیم و با هیبت کی همیشه تی عهد و پیمان اجرا کونی و تی موحبت کسانی

ره بجا آوری کی تر دوس دآریدی و تی دستور انجام دیهیدی، ۵ امان گوناہ بوکودیم و شرور کاران

انجام بدیم. خطا و نافرمانی بوکودیم و تی دستوران و قانونان جا سرپیچی بوکودیم. ۶ پیغمبران تی

* ۱۷:۸ «اینسان پسر» آ جمله دورون اینسان فانی معنی دهه ولی باب ۷ آیه ۱۳ دورون ایشاره به عیسای مسیح

ختمتگوزاران بید و تی نامِ امرأ پادشایان و پیلہ کسان، امی پئران و توما مردومانِ امی سرزمینِ مرہ گب بزہیید، ولیِ امانِ گوش نوکودیم۔

۷ «آی سرور، عیدالت تی شینہ ولی ایمروز امان شرمندہ ییم۔ امر کی یهودا مردومان و اورشلیم و توما اسرائیل شین ایسیم، چی دور و چی نزدیک آوارہ کودی چرہ کی تر وفادار نیبیم۔^۸ آی خوداوند، امان و امی پادشایان و پیلہ کسان و امی پئران تی جُلُو شرمندہ ییم، چونکی تر گوناہ بوکودیم۔^۹ تو آی سرور، امی خودا کی بخشندہ و مہربانی، ہر چند کی امان تی جا نافرمانی بوکودیم۔^{۱۰} آی خوداوند، امی خودا، تی گبان گوش نوکودیم و تی شریعت بہ جا نآوردیم، ہو شریعتی کی تی ختمتگوزاران ینی پیغمبران دسِ امرأ امی جُلُو بنہ یی۔^{۱۱} توما می اسرائیل مردومان تی شریعت جا نافرمانی بوکودیدی و خوشان روی تی جا واگردانہ ییدی و تی گبان گوش نوکودیدی۔ ہن و اسی لعنتان و قسمانی کی بوگفتہ بی و تی ختمتگوزار، موسی توراتِ دورون بینویشتہ بو، امی سر بمو، چونکی بہ تو گوناہ بوکودیم۔^{۱۲} تی کلام کی بر ضد امان و امی رہبران بوگفتہ بی، انجام بدی و او پیلہ دانہ بلای اورشلیم سر باوردی کی قبل ان توما آسمان جیر ہیکس رہ ایتفاق دنکفتہ بو۔^{۱۳} ا بلا توما و کمال، ہوطو کی موسی تورات میان بینویشتہ بو بوستہ بو، امی سر بمو۔ ولی تی فیض طلب نوکودیم تا امی گونایان جا دس بکشیم و بہ تی حقیقت رو باوریم۔^{۱۴} ہن و اسی خوداوند فوری او بلای امی سر باوردی، چونکی خوداوند، امی خودا کاران ہمیشہ عادلانہ ایسہ، ولی امان اون صدای گوش نوکودیم۔

۱۵ «ہسا آی سرور، امی خودا، تو تی قودرتمند دسِ امرأ تی قوم، مصر جا بیرون باوردی و تی نام مشہور کودی، ہطو کی ایمروزم دن دریم، ولی امان گوناہ بوکودیم و سرور کاران انجام بدیم۔
۱۶ «آی سرور، ہطو کی ہمیشہ عیدالت بجا آوری، تی خشم و غیظ تی شہر اورشلیم و تی موقدس کوہ جا واگردان چونکی اورشلیم و تی قوم، امی گونایان و امی پئران نافرمانی و اسی، دیگر قومان جُلُو کی امی دور و ور زندگی کونیدی، روسوا بو بوستید۔

۱۷ «ہسا آی خودا، کی امی خودا ایسی، تی خادمِ دوغا و شفاعت گوش بدن۔ آی سرور، تی فیض و اسی، نور تی روی، تی موقدس معبد بتابان کی ویران بوستہ۔^{۱۸} آی خودا، می گبان گوش بدن و می دوغای بیشناو۔ تی چومان و اکون و امی ویران بوستہ شہر کی تی نام اون رو نہہ، بیدین۔ امی پارسایی و اسی تر ایلتماس نوکونیمی، بلکی تی رحمتِ عظیم و اسی، آ خواستہ تی جا داریمی۔^{۱۹} آی سرور، امی دوغای گوش بدن و امر ببخش۔ آی سرور، امی گبان گوش بوکون و انجام بدن۔ آی خودا، تی خاطر و اسی دتر نوکون، چرہ کی تی نام، تی شہر و تی قوم سر نہہ۔»

ہفتاد ہفتہ

۲۰ ہطو کی دوغا کودن دوبوم و می گونایان و می قوم، اسرائیل گونایان ایعتراف کودیم و بہ حوضو خوداوند، می خودا، اون موقدس کوہ و اسی ایلتماس کودیم،^{۲۱} ہو وختی کی غروب دم قوربانی تی تقدیم کودیدی، جبرئیل کی اون پیشتر می رویا میان بیدہ بوم توند پرواز بوکودہ و می ورجا بیجیر بمو^{۲۲} و مر بوگفتہ: «دانیال، ہسا من بموم تر آگاہی و فام ببخشم۔^{۲۳} ہو وخت کی دوغا کودن دیبی، خودا تی جواب بدہ و من بموم تر واخبر کونم، چونکی تو خودا رہ خیلی عزیز یی۔ ہسا ا

رویای دقتاً امرأ گوش بدن تا رویایی کی بیدہیی بفامی: ۲۴ ہفتاد ہفتہ* تی قوم و تی موقدس شہر رہ تعین بوبوستہ کی نافرمانی و گوناہ تومام بہ و تقصیر کفارہ فادہ بہ، پارسایی ابدی برقرار بہ، رویا و پیشگویی مہر و موم بہ و قدس الاقداس* مسح بہ.

۲۵ «تو و ابدانی و آگاہ بیبی کی جہ فرمان دووارہ آباد کودن اورشلیم، تا آمون او کسی کی خودا مسح بوکودہ، ہفت ہفتہ و شصت و دو ہفتہ دیگر زمان برہ. بازین اورشلیم کوچہیان و اون خندق، موصیبت زمان میان، دووارہ چاکودہ بہ. ۲۶ بعد شصت و دو ہفتہ، او مسح بوبوستہی کوشیدی و ہیچی اون رہ نمائہ. بازین ایتا پادشا خو لشکریان امرأ اورشلیم شہر و معبد دورسنہ. آخر زمان سیل مانستن آیہ و تا آخر جنگ ایدامہ پیدا کونہ و تعین بوبوستہ کی ویرانیان ایتفاق دکفہ. ۲۷ اون،* ایتا عالمہ مردومان امرأ عہد و پیمان یک ہفتہیی ڈودہ. وختی ہفتہ بہ نیمہ فارسہ، قوربانی کودن و ہدیہ فادن جہ میان اوسائہ. بازین او ویرانگر خودا معبد نجست کونہ و ہرچی کی اون رہ مقرر بوبوستہ، سر آخر اون فترکہ.»

دانیال رویا دجلہ روخان ورجا

۱ کوروش، پارس پادشا سومی سال حکومت بو. ہو وخت دانیال کی اون «بلطشصرم» دوخوایدی، ایتا پیام الہام بوبوستہ بو و آ پیام حقیقت داشتی و ایتا پیلہ دانہ جنگ پیشگویی کودی کی آیندہ میان ایتفاق دکفہ. آ پیام فامستن، رویا میان اون رہ آشکار بوستہ.

۲ او روزان دورون، من، دانیال، سہ ہفتہ تومام ماتم بیگیتم ۳ و خوروم خوراک نوخوردم، گوشت و شراب لب نرم و می سر و کلہی فرسم.

۴ بیست و چارمی روز اولی ماہ، او پیلہ روخان ورجا کی اون نام «دجلہ» بو، بہ پا ایسہ بوم. ۵ وختی بوجور فندرستم، ایدفعہیی ایتا مرداکی بیدم کی لیاسی کتان جا دوکودہ بو و ایتا کمردود طلای ناب جا ڈوستہ بو. ۶ اون تن، زبرجد مانستن بو و اون دیم صاعقہ مانستن درخشہیی و اون چومان روشن مشعلان مانستن بو. اون دسان و پایان برنز تافتہ مانستن برق زہی و اون صدا ایتا عالمہ مردومان ہمہہ مانستن بو.

۷ من، دانیال تنہایی او رویای بیدم. اوشانی کی می امرأ بید اون نیدہ ییدی ولی آنقدر ترس اوشان جان دکفہ کی فرار بوکودید تا خوشان جیگا بوخورید. ۸ من تنہایی بئسم و او پیلہ رویای فندرستم، دہ مرہ رمق نمائستہ. می رنگ و رو بپرستہ و دہ جان ناشتیم. ۹ وختی فرشتہ گبان بيشناوستم، زیمین سر دمر بکفتم و سخت و خواب شوم.

۱۰ ہو لحظہ ایتا دس مر لمس بوکودہ و ہطوی کی پرکستن دوبوم، مر چار دس و پا بدآشتہ.

۱۱ بازین فرشتہ مر بوگفتہ: «آی دانیال، آی عزیز خوداوند، آ گبانی کی تر گفتن درم دقت مرہ گوش

* ۲۴:۹ کیتاب موقدس متخصصان اعتقاد داریدی کی او مدت ۴۹۰ سال طول کشہ. * ۲۴:۹ اصفت متن اصلی دورون تانہ ایتا اینسان یا ایتا مکان ایشارہ بوکونہ. * ۲۷:۹ آ جملہی فاعل کی کلمہی «اون» امرأ نیشان بدہییم معلوم نیہ کی آیا ایشارہ کونہ بہ «او مسح بوبوستہ» یا او «ایتا پادشا».

بدن و ویریز، چہ کی ہنّ و اسی تی ورجاً اوسہ کودہ بوبوستم.» وختی آ گبآن بزہ، ہوطو کی می جان پرکستی، بہ پا بئسم.

۱۲ بآزین او فرشتہ مر بوگفتہ: «آی دانیال، نوآ ترستن، چہ کی جہ او اوّلی روز کی تصمیم بیگفتی کی خواب تعبیر درک بوکونی و تی خودا ورجاً فروتن بیبی، تی درخواست قوبیل بوبوستہ و تی گبآن و اسی بموم. ۱۳ ولی پارس مملکت رئیس، بیست و یک روز وناشتہ بآیم تا آنکی میکائیل کی ایتا جہ پیلہ فرشتہ یان ایسہ، مر کومک بوکودہ، چہ کی مجبور بوبوستم او یہ پارس پادشایان ورجاً بئسم. ۱۴ ہسأ بموم کی تر بگم آیندہ میان چی تی قوم سر آہ، چونکی آ رویا روزانی شین ایسہ کی ہنوز و ایتا بآیہ.»

۱۵ ہطو کی اون، می امرأ گب زہی، می سر بیجیر تاوادم و لال بوستم. ۱۶ بآزین او نفر کی آدمی زاڈ مآنستن بو می توک لمس بوکودہ. پس می دهن واکوادم و گب بزم. من اون کی می جلو بہ پا ایسہ بو بوگفتم: «آی سرور، آ رویا و اسی، درڈ زیادی توام می وجود بیگفتہ کی دہ ہیچ حال و رمقی نآرم. ۱۷ آی سرور، چوطویی من کی شیمی نوکرم، تآنم تی امرأ گب بزم در حالی کی می قوت توام بوستہ و سختی امرأ نفس کشم؟»

۱۸ اون کی آدمی زاڈ مآنستن بو دووارہ مر لمس بوکودہ و مر قوت بدہ ۱۹ و بوگفتہ: «آی عزیز خودا، نوآ ترستن. سلامتی تی امرأ بیہ، قوی بوبو و قایم بئس.» وختی آ گب بزہ، قوت بیگفتم و اون بوگفتم: «آی سرور، گب بزید، چہ کی شومان مر قوت ببخشہ بیدی.» ۲۰ اون بوگفتہ: «دانی چہ تی ورجاً بموم؟ ہسأ واگردم کی پارس رئیس امرأ جنگ بوکونم و وختی بیرون ایم یونان رئیس آہ ۲۱ ولی تر گم (کیتاب حق) دورون چی بینویشتہ بوبوستہ. تنہا کسی کی مر ضد اوشان کومک کونہ شیمی فرشتہ، میکائیلہ.»

۱۱ بآزین فرشتہ بوگفتہ: «اوّلی سال داریوش مادی* حکومت، من میکائیل ورجاً بئسم کی اون جا حمایت و محافظت بوکونم.»

شومال و جنوب پادشایان

۲ «ہسأ ایتا حقیقت تر گم: سہتا پادشای دیگر، پارس سرزمین دورون ویریزی و بآزین، چارمی پادشا آہ کی توام اوشان جا خیلی ثروتمندتر بہ و اون مال و منال باعیت بہ کی اون قودرتمند بیہ و ہمہ تآن بہ ضد یونان حکومت انتریک* بوکونہ. ۳ بآزین ایتا پیلہ پادشا ویریزہ و قودرت زیادی امرأ حکومت کونہ و ہرچی کی اون دیل خوآیہ انجام دہہ. ۴ ولی وختی در اوچ قودرت ایسہ، اون حکومت پاشیدہ بہ و آسمان چار طرف بادان امرأ تقسیم بہ. اون نسل، اون حکومت و اون قودرت ارث نبرہ، چہ کی اون پادشایی ریشہ جا بکندہ بہ و دیگران فادہ بہ.

۵ «جنوب پادشا* قوت گیرہ ولی ایتا جہ اون سرداران، پادشا جا قویتر بہ و قودرت زیادی امرأ خو سلطنت میان حکمرانی کونہ. ۶ چند سالی کی گوذرہ، جنوب پادشا و شومال پادشا* ہمدیگر مرہ

موتحد بیدی. بازین جنوب پادشا دُختر، شه کی عروسی کودن امرأ شومال پادشا مره پیمان دوده ولی او دُختر نتانہ نفوذی کی پادشا سر دأستی، حفظ بوکونه و او پادشا و اون قودرت دوام ناوره. او دُختر، اون پئر، اون همراهان و او کسی کی اون جا حمايت کودی تسلیم کونیدی.

۷ «بازین ایتا جه او دُختر فامیلان پادشا جائی گیره و شومال پادشا لشکر حمله کونه، اون قلعه دورون شه و اوشان امرأ جنگه و پیروز به. ۸ اون تومامی اوشان خودایان و بتان و طلایی و نقرهیی ظرفان خو امرأ بره مصر و چند سالی ده شومال پادشای ول کونه. ۹ او وخت شومال پادشا، جنوب پادشا سرزیمین حمله کونه، بازین عقب نشینی کونه و واگرده خو مملکت. ۱۰ اون پسران جنگ و آسی آماده بیدی، ایتا پيله دانه لشکر جم کونیدی و سیل مانستن کی هیچی نتانہ اون جولودار ببه دوواره جنگ تا جنوب پادشا قلعه پیش بریدی.

۱۱ «او وخت جنوب پادشا غیظ مره بیرون آیه و شومال پادشا امرأ جنگ کونه. شومال پادشا ایتا پيله دانه لشکر اوسه کونه ولی شکست خوره. ۱۲ جنوب پادشا پیروزی جا مغرور به و دهها هیزار نفر کوشه ولی اون پیروزی دوام ناوره، ۱۳ چره کی شومال پادشا ایتا لشکر جم کونه کی اون اولی لشکر جا پيله تره، و بعد چند سال ایتا پيله موجهز لشکر امرأ واگرده.

۱۴ «او روزان میانی، ایتا عالمه مردوم به ضد جنوب پادشا ویریزی، حتی زورگویان تی قوم جا قیام کونیدی تا او رویا به انجام فارسه، ولی موفق نییدی. ۱۵ بازین شومال پادشا آیه، سنگران چاکونه و او حیصارداژ شهر گیره. جنوب لشکریانم نتانید اون جلو بئسید، حتی اوشان بهترین سربازانم نتانیدی مقاومت بوکونید. ۱۶ شومال پادشا هر چی اون دیل خو آیه، کونه و هیکس نتانہ اون جلو بئسه. اون، قشنگ سرزیمین دورون ایسه و ا قودرت دأره کی اون ویران کونه. ۱۷ اون تصمیم گیره کی خو تومام حکومت قوت امرأ بایه و جنوب پادشا امرأ ایتا پیمان دوده و ایتا جه خو دُختران اون فاده تا اون حکومت خراب کونه ولی موفق نییه و اون نقشه شکست خوره. ۱۸ بازین سرزیمینان ساحلی اون چومان گیره و خیلی جه او سرزیمینان بدس آورده ولی ایتا سرداژ لشکر اون گوستاخی جواب دهه و خفت و خواری امرأ بیرون کونه. ۱۹ شومال پادشا واگرده خو سرزیمین قلعه یان طرف ولی موفق نییه، شکست خوره و ده اثری اون جا نمانه.

۲۰ «بازین ایتا پادشای دیگر به قودرت فارسه. اون خو سلطنت شکوه و آسی ایتا مأمور اوسه کونه تا مردوم جا باج و خراج فیگیره. چند وخت بعد اونم هلاک به ولی نه مردوم غیظ جا یا جنگ دورون.»

شومال پادشا شرارت

۲۱ بازین فرشته بوگفته: «ایتا پست فیطرت آدم ویریزه کی لیاقت سلطنت ناره ولی ایوارکی آیه و دوز و کلک مره سلطنت به دس گیره. ۲۲ اون، لشکریان و حتی رئیس عهد جه بین بره و شکست دهه. ۲۳ بعد آنکی مردوم امرأ پیمان دوده، اوشان گول زنه و چند نفر کومک امرأ قودرت به دس گیره. ۲۴ ایدفعه یی سرزیمینانی کی خوروم محصولان داریدی حمله کونه و او به کارانی کونه کی نه اون

پتر بوکودہ بو، نہ اون اجداد۔ اون ہر مال و منالی کی زوراً امرأ فیگیرہ خو پیروان میانی تقسیم کونہ،
بازین قلعه یان شکست دتن رہ نقشہ کشہ ولی آن نقشہ دوام ناورہ۔

۲۵ «او وخت دیل و جرأت یافہ و ایتا پیلہ لشکر امرأ جنوب پادشای حملہ کونہ۔ جنوب پادشایم ایتا
پیلہ دانہ لشکر قوی مرہ اون جنگ شہ، ولی اون ضد، نقشہ یان کشیدی و شکست خورہ۔ ۲۶ کسان کی
اون سفرہ جا خوریدی، تقلا کونیدی کی اون بوکوشید و اون لشکر سیل مانستن بوشوستہ بہ و شہ و
خیلی یانم میریدی۔ ۲۷ آدوتا پادشا دیل، سیا بہ و با آنکی ایتا سفرہ سر نیشینیدی، ہمدیگر دورغ گیدی
ولی موفق نییدی، چرہ کی ہو وخت معین ہنوز فترسہ۔

۲۸ «بازین شومال پادشا ایتا عالمہ مال و منال امرأ و اگر دہ خو سرزمین و ہوراً میانی اون دیل ضد
کسان بہ کی خودا اوشان امرأ عہد موقدس دوستہ بو، حملہ کونہ و ہر کاری کی اون دیل خواہ کونہ
و بازین خو سرزمین دورون شہ۔

۲۹ «وخت تعیین بوبوستہ میان و اگر دہ و جنوب سرزمین حملہ کونہ ولی آی دفعہ، اولی وار امرأ
توفیر کونہ۔ ۳۰ (کتیم) کشتی یان، اون جلو ایسیدی و اون، ترس جا عقب نیشینہ و اون عہد موقدس
جا غیظ گیرہ و کسان کی او عہد جا و اگر دستید روی خوش نیشان دہہ۔

۳۱ «اون لشکر، معبد موقدس و اون قلعه نجست کونید و ونالید دہ ہر روز قوربانی بوکونید و
معبد دورون ایتا نجست بت نیہیدی۔ ۳۲ او پادشا، دوز و کلک امرأ یوہودیانی کی خوشان عہد
ایشکنیدی خو مرہ ہمراہ کونہ ولی خوداشناسان اشان کار امرأ موخالفت کونید۔

۳۳ «قوم حکیمان خیلی یان تعلیم دیہیدی ولی ایتا دوران میان اوشان شمشیر امرأ کوشید یا آتش
دورون تاودید و یا اسیر کونید و یا اوشان غارت بوکونید۔ ۳۴ ولی وختی بکفید، ایچہ کومک اوشان
فارسہ۔ بازین مردومان زیادی دوز و کلک امرأ اوشان ہمراہ بیدی۔ ۳۵ ایتا عدہ حکیمان کفیدی و
اطوی پاک و تیمیز و بی عیب بیدی و آوضع ایدامہ دارہ تا آخر زمان فارسہ، چرہ کی اون وخت تعیین
بوبوستہ۔

۳۶ «شومال پادشا ہرچی آن دیل خواہ کونہ۔ اون خورہ جہ تومام خودایان بوجورتر دانہ و ضد
خودای خودایان، عجیب و غریب گب زنہ و آکاران ایدامہ دہہ، تا زمانی کی اون وخت موجازات
فارسہ چرہ کی ہرچی تعیین بوبوستہ، ایتفاق دکفہ۔ ۳۷ شومال پادشا نہ خو جد خودای محل نہہ و
نہ خودایی کی زناکان اون قوبیل داریدی و نہ ہیچ خودای دیگری، چرہ کی خورہ خودایان جا
بوجورتر دانہ۔ ۳۸ اون، عوض او خودایان، قلعه خودای پرستش کونہ، و خودایی رہ کی اون اجداد
نشاختیدی، طلا، نقرہ و گیران قیمت سنگان و با ارزش پیش کشی یان تقدیم کونہ۔ ۳۹ پادشا خودای
بیگانہ کومک امرأ قائم قلعه یان حملہ کونہ و قودرت کسان کی اون جا ایطاعت کونیدی زیاد کونہ و
اوشان مردومان سر جور نہہ و زمینان اوشان میان پادشا و اسی تقسیم کونہ۔

۴۰ «آخر سر جنوب پادشا اون حملہ کونہ ولی شومال پادشا خو ارابہ یان و سواران و ایتا عالمہ
کشتی یان امرأ گرد باد مانستن اون جلو ایسہ۔ شومال پادشا سیل مانستن ایتا عالمہ سرزمین حملہ
کونہ ۴۱ و قشنگ سرزمین دورون شہ۔ سرزمینان زیادی اون دس دکفہ ولی آدم و موآب سرزمین و

عمونیان پیلہ کسان جیویزیدی. ۴۲ اون، دیگر سرزمینان دس درازی کونہ. مصرم اون دس جا راحت نمائے. ۴۳ مصر خزانہ یان تومام طلا و نقرہ و گیران اسبابان خو اختیار گیرہ و لیبی و کوش* مردومان اون تسلیم بیدی. ۴۴ ولی خبرانی کی شومال و مشرق جا فارسہ اون ترسانہ و غیظ و عصبانیت مرہ بیرون شہ تا ایتا عالمہ آدم بوکوشہ و جہ بین ببرہ. ۴۵ خو شاہانہ چادران کوه موقدس و زیبا میان کی اون دو طرف دریا نہہ، بر پا کونہ. ولی اون اجل فارسہ و میرہ و ہیکسم اون کومک نوکونہ.»

آخر زمان

۱۲

۱ بازین فرشتہ بوگفتہ: «او وخت فرشتہ عظیم، میکائیل کی تی قوم جا نگہداری کونہ، ویریزہ. او وخت موصیتی پیش آہ کی، جہ زمانی کی قومی بوجود بمو تا او روز وجود ناشتی. ہو زمان میان تی قوم نجات یافتہ، ینی ہر کسی کی اون نام، کیتاب دورون بمو. ۲ خیلی یانی کی گیل جیر خوفتہ بیدی خواب جا ویریزیدی، بعضی یان زندگی ئی ابدی رہ و بعضی یان دیگر خجالت و شرمندگی ئی ابدی و اسی. ۳ حکیمان، آسمانان نور مانستن تابدی، و کسانی کی مردومان عیدالت طرف ہدایت کونیدی تا ابد ستارہ یان مانستن بیدی.»

۴ بازین مر بوگفتہ: «ولی تو ای دانیال، آگبان طومار مہر و موم و لول بوکودہ تا آخر زمان بدار. ایتا عالمہ مردوم طرف او طرف شیدی تا اوشان دانایی ویشتر بہ.»

۵ بازین من دانیال، فندرستم و دو نفر دیگر بیدم کی ایتا طرف روخان و اویتا او طرف روخان ایسہ بید. ۶ ایتا جہ اوشان، او فرشتہ یی کی لیاسی کتان جا دوکودہ بو و بوجورتر، روخان ورجا ایسہ بو واورسہ: «چقدر طول کشہ تا آ عجیب ایتفاقان تومام بہ؟» ۷ او فرشتہ یی کی کتان لیاس دوکودہ بو و بوجورتر روخان ورجا ایسہ بو، خو دسان آسمان طرف دراز کودہ و اون صدای بیشناوستم کی اونی کی جاودانہ ایسہ قسم بوخوردہ و بوگفتہ: «آ ایتفاقان ای زمان، چند زمان و نیم زمان ایدامہ دارہ. وختی کی قوم موقدس قودرت شکست خورہ، ہمہ ئی آ پیشامدان تومام بہ.»

۸ من فرشتہ گبان بیشناوستم ولی نفامستم اون منظور چیسہ. هن و اسی واورسم: «آی سرور، آ چیزان آخر عاقبت چی بہ؟» ۹ فرشتہ بوگفتہ: «آی دانیال، آگبان طومار تا آخر زمان لول بوکودہ و مہر و موم بہ. پس بوشو و نیگران نوأ بوستن. ۱۰ آدمان زیادہ پاک و تیمیز و بی عیب بیدی، ولی شرور آدمان ہطو شرارت کونیدی. ہیتا جہ اوشان نفامیدی ولی حکیمان فامیدی.»

۱۱ «جہ او وختی کی دہ ہر روز قوربانی نوکونیدی و او نجست بت برپا بہ، ہیزار و دوہست و نود روز گوذرہ. ۱۲ خوشا بحال کسی کی تا تومام بوستن ہیزار و سیصد و سی و پنج روز، رافا ایسہ. ۱۳ ولی دانیال، تا آخر آرائ ایدامہ بدن کی آرامی یافتی، و آخر زمان تی مقرر بوبوستہ جاجیگاہ دورون قرار گیری.»